



P R A V I L A

*takmičenja KUP - a za sezonu 2008/09.
žene - muškarci*

Sarajevo, septembar / rujan 2008. godine

S a d r Ź a j

1. Opće odredbe	str. 3	čl. 1 - čl. 4
2. Prijava ekipa	str. 3	čl. 5
3. Sistem KUP takmičenje	str. 3	čl. 6 - čl. 9
4. Kalendar takmičenja	str. 5	čl. 10 - čl. 11
5. Pravila igre	str. 5	čl. 12
6. Pravila takmičenja	str. 5	čl. 13 - čl. 14
7. Organizacija takmičenja	str. 5	čl. 15 - čl. 20
8. Izvlačenje	str. 7	čl. 21 - čl. 25
9. Troškovi takmičenja	str. 9	čl. 26 - čl. 28
10. Službene osobe	str. 9	čl. 29
11. Nagrade	str. 10	čl. 30
12. Kaznene odredbe	str. 10	čl. 31 - čl. 32
13. Žalbe	str. 11	čl. 33 - čl. 40
14. Privremeni i trajni prekid utakmice	str. 11	čl. 41 - čl. 43
15. Odgoda utakmice	str. 12	čl. 44 - čl. 45
16. TV, radio, filmska, video i reklamna prava	str. 13	čl. 45 - čl. 47
17. Završne odredbe	str. 13	čl. 48

Na osnovu člana 37. Statuta Rukometnog saveza Bosne i Hercegovine, Izvršni odbor Rukometnog saveza Bosne i Hercegovine (u daljem tekstu IO RS BiH), na svojoj sjednici, održanoj u Sarajevu dana 16.09.2008. godine, donio je

P R A V I L A

kup takmičenja za 2008 / 2009 godinu

I. OPĆE ODREDBE

Član 1.

Ovim Pravilima određuju se odredbe o oraganizaciji i održavanju rukometnih takmičenja u KUP - u.

Odredbama ovih Pravila vrši se utvrđivanje sistema KUP takmičenja, pravila takmičenja, kalendara, troškova takmičenja, kaznenih odredbi, vođenje takmičenja i ostalog što je u vezi sa KUP takmičenjem (način prijavljivanja, takse, izvlačenje, nagrade, žalbe).

Član 2.

Rukometni savez Bosne i Hercegovine je organizator KUP takmičenja Bosne i Hercegovine u ženskoj i muškoj konkurenciji. Takmičenjem rukovodi Takmičarska komisija Rukometnog saveza Bosne i Hercegovine (u daljem tekstu:TK)

Član 3.

KUP takmičenje provodi se prema odredbama Pravila KUP takmičenja i ostalih pravilnika Rukometnog saveza Bosne i Hercegovine (u daljem tekstu: RS BiH).

Član 4.

U takmičenju za KUP Bosne i Hercegovine učestvuju svi klubovi koji se takmiče u Premijer ligi i Prvim ligama u ženskoj i muškoj konkurenciji.

Učešće za klubove Premijer lige u muškoj i ženskoj konkurenciji je obavezno prema Odluci Izvršnog odbora.

II. PRIJAVA EKIPA

Član 5.

Prijave za učešće u KUP -u Bosne i Hercegovine dostavljaju se TK. Prijava sadrži:

- Naziv kluba
 - Mjesto kluba
 - Dvorana kluba za igru
- Rok za prijave utvrđuje je na osnovu konkursa, te kalendara takmičenja.

III. SISTEM KUP TAKMIČENJA

Član 6.

Takmičenje za KUP Bosne i Hercegovine, sprovodi se u dva stepena. Prvi stepen čine takmičenja na nivou pred-kola i održava se u ženskoj i muškoj konkurenciji.

Član 7.

Drugi stepen čini završnica KUP takmičenja u kojoj učestvuje po 8 klubova u muškoj i ženskoj konkurenciji.

U četvrt-finalu KUP-a Bosne i Hercegovine igraju se po dvije utakmice (ekipa je jednom domaćin, a jednom gost).

Član 8.

TK će raspisati konkurs za organizatora finalnih turnira (FINAL FOUR) u muškoj i ženskoj konkurenciji. Na završnom turniru učestvuju 4 (četiri) kluba koji izbere plasman.

Klub koji je ponudio najbolje uvjete i kome je povjerena organizacija završnice kupa dužan je uplatiti kauciju u visini koju utvrdi IO RS BiH ili dostaviti bankovnu garanciju što će se u cjelosti vratiti klubu ukoliko organizira i sprovede takmičenje završnice KUP-a.

Ako se do predviđenog roka ne javi niti jedan klub za organizaciju turnira ili ako klub kome je povjerena organizacija završnice odustane, IO RS BiH će odrediti mjesto odigravanja turnira u muškoj i ženskoj konkurenciji.

Član 9.

Muški klubovi koji su u sezoni 2007/2008. zauzeli mjesta od jedan do sedam i to - :

1. RK " Bosna " - Sarajevo,
2. RK " Konjih " - Živinice i
3. RK " Izviđač " - Ljubuški,
4. RK " Sloga " - Doboj,
5. RK " Goražde « - Goražde
6. RK " Bosna " - Visoko
7. RK " Borac " - Banja Luka,

se direktno plasiraju u četvrt - finale, a

klubovi:

1. RK " Gradačac " - Gradačac
2. RK " Krivaja " - Zavidovići,

te novi Premijer ligaši klubovi:

1. RK " Olimpik " - Sarajevo ,
2. RK „ Kotor Varoš „ - Kotor Varoš i
3. RK „ Sloboda SOLANA „ - Tuzla

učestuju u pred-kolima KUP - a zajedno sa ekipama koje se prijave na osnovu raspisa koje će uputiti TK do predviđenog roka.

Ženski klubovi koji su u sezoni 2007 / 2008. zauzeli mjesta od jedan do sedam i to:

1. ŽRK " Borac POŠTE SRPSKE " - Banja Luka
2. ŽRK " Ljubuški LO " - Ljubuški,
3. ŽRK " Živinice " - Živinice,
4. ŽRK "Jedinstvo « - Tuzla,
5. ŽRK "Željezničar " - Hadžići,
6. ŽRK "Katarina " - Mostar
7. ŽRK " Ilidža « - Ilidža

se direktno plasiraju u četvrt - finale, a

klubovi:

1. ŽRK " Mira " - Prijedor
2. ŽRK " Zrinjski " - Mostar
3. ŽRK " Goražde „ - Goražde ,

te novi Premijer ligaši

klubovi:

1. ŽRK " Lokomotiva " - Mostar i
2. ŽRK " Knežopoljka " - Kozarska Dubica,

učestuju u pred-kolima KUP - a zajedno sa klubovima koji se prijave na osnovu raspisa koje će uputiti TK do predviđenog roka.

IV. KALENDAR TAKMIČENJA

Član 10.

IO RS BiH, na prijedlog TK, usvaja kalendar takmičenja KUP - a.

Utakmice KUP takmičenja igraju se prema usvojenom kalendaru.

Član 11.

Utakmice KUP - a Bosne i Hercegovine za sezonu 2008 / 2009 održavaju se u terminima:

Žrijebanje KUP - a, predkola	03.10.2008.g.
Za žene i muškarce - pred kolo I.	15.10.2008.g.
Za žene i muškarce - pred kolo II.	12.11.2008.g.
Za žene - pred kolo III.	03.12.2008.g.
Za muškarce - pred kolo III.	17.12.2008.g.
Ze žene i muškarce - četvrtfinale - prva utakmica	07.03.2007.g.
Ze žene i muškarce - četvrtfinale - druga utakmica	21.03.2007.g.
Za žene - FINALNI TURNIR	30.03.-02.04
Za muškarce - FINALNI TURNIR	30.03.-02.04.

Mjesto i vrijeme početka finalnih turnira naknadno će se odrediti na sjednici IO RS BiH, na prijedlog kancelarije RS BiH, te na osnovu konkursa - natječaja.

V. PRAVILA IGRE

Član 12.

Utakmice KUP - a igraju se po Pravilima igre međunarodne rukometne federacije (IHF).

VI. PRAVILA TAKMIČENJA

Član 13.

Pravilima takmičenja propisuju se:

- uvjeti i način organiziranja utakmica,
- izvlačenje,
- pobjednik utakmice,

Član 14.

Sve utakmice KUP - a Bosne i Hercegovine igraju se u dvoranama.

VII. ORGANIZACIJA TAKMIČENJA

Član 15.

Utakmicu organizira klub domaćin u skladu sa odredbama Pravila KUP takmičenja..

Član 16.

Klub, domaćin utakmice, mora najkasnije sedamdesetdva (72) sata prije početka utakmice fax - om ili telegramom obavijstiti o vre,menu i mjestu odigravanja utakmice i to:

- gostujući Klub - boja dresova,
- delegata,
- sudije,
- zapisničara i mjeritelja vremena i
- kancelariju RS BiH

Klub koji ne izpuni odredbe iz **stava 1.** ovog člana, kaznit će se sa novčanom kaznom u iznosu **od 30,00 KM.**

Član 17.

Klub, domaćin utakmice, mora osigurati sportsku dvoranu u skladu odredaba iz ovih Propozicija.

Klub, domaćin utakmice, mora osigurati najmanje četiri (4) službujuće osobe, koje moraju nositi vidljive oznake i ne smiju biti mlađe od osamnaest (18) godina života.

Najkasnije trideset (30) minuta prije početka utakmice, Klub domaćin utakmice, mora delegatu predati pismeni popis službujućih osoba koji sadrži ime, prezime i JMBG svakog od službujućih.

Klub, domaćin utakmice, mora omogućiti delegatu, ako on to zatraži, provjeru identiteta službujućih osoba.

Od svih službujućih osoba, jedna osoba je glavna službujuća osoba.

Delegat je obavezan u zapisnik utakmice upisati osnovne podatke o glavnoj službujućoj osobi.

Klub koji ne izpuni odredbe iz stava 1., 2., 3. i 4. ovog člana, kaznit će se sa novčanom kaznom u visini od **50,00 KM.**

Član 18.

Klub, domaćin utakmice, je obavezan na vrijeme, u skladu sa odredbama zakona, pismeno obavijstiti nadležnu Policijsku upravu, o danu i satu odigravanja utakmice, te u tom smislu zatražiti prisustvo određenog broja policajaca. Policajci moraju biti prisutni u sportskoj dvorani najmanje petnaest (15) minuta prije početka utakmice.

Klub, domaćin utakmice, je obavezan najmanje trideset (30) minuta prije početka utakmice, delegatu predočiti pisani dokaz kojim je obavijestio i zatražio prisustvo policije, a ovjereno od nadležne Policijske uprave.

Klub koji ne izpuni odredbe iz stava 1. i 2. ovog člana, kaznit će se sa sa novčanom kaznom od **100,00 KM.**

Član 19.

Klub, domaćin utakmice, mora pravodobno osigurati i službujućeg liječnika ili zdravstvenog tehničara s potrebnim priborom za pružanje prve pomoći.

Zdravstvena osoba iz stava 1. ovog člana mora se javiti delegatu najkasnije trideset (30) minuta prije početka utakmice.

Utakmica se ne smije igrati bez prisustva zdravstvene osobe.

Klub, domaćin utakmice, mora omogućiti delegatu, ako on to zatraži, provjeru identiteta zdravstvene osobe.

Delegat je obavezan u zapisniku utakmice upisati osnovne podatke o zdravstvenoj osobi.

Klub koji ne izpuni odredbe iz stavka 1., 2. i 3. ovog članka, kaznit će se novčanom kaznom od **150,00 KM**

Član 20.

Klub, domaćin utakmice, mora poštovati sve propise RS BiH,, a u vezi s organiziranjem utakmica.

Organizacija utakmice se smatra završenom, kada svi akteri napuste sportsku dvoranu.

Klub, domaćin utakmice, je odgovoran za red i sigurnost u sportskom objektu. On mora na usmeni zahtjev gostujućeg kluba i službenih predstavnika, pružiti potpunu sigurnost od dolazka u mjesto igranja utakmice, pa do odlaska iz mjesta igranja.

Klub koji ne izpuni odredbe iz stavka 1., 2. i 3. ovog članka, kaznit će se novčanom kaznom u iznosu od **200,00 KM**.

VIII. IZVLAČENJE

Član 21.

Izvlačenje parova za KUP takmičenje vrši TK samo za pred-kola.

Izvlačenju mogu prisustvovati predstavnici klubova.

Izvlačenje parova vrši se na prvom narednom sastanku TK po okončanju svakog od predkola.

Prvi izvučeni klub je domaćin. Ako se prilikom izvlačenja desi da su klubovi u predhodnom kolu bili ili domaćini ili gosti, domaćin je ekipa koja bude prva izvučena.

Ako se dogodi da jedan klub bude dva puta za redom domaćin, u narednom izvlačenju je obavezno gost i obrnuto.

Za četvrt-final se ne vrši izvlačenje parova. Klubovi učesnici četvrt-finala iz člana 9. ovih Pravila sastaju se :

Broj 7 sa brojem 2 ,

Broj 6 sa brojem 3 ,

Broj 5 sa brojem 4 te

Pobjednik predkola sa brojem 1.

Prve utakmice se igraju kod prvoimenovanih klubova.

Član 22.

Utakmice se igraju do dobijanja pobjednika. Utakmice traju 2 x 30 min. sa odmorom od 10 minuta.

Član 23.

Klubovi koji se takmiče u predkolima KUP-a izborile su plasmanu za dalje takmičenje:

- ako pobijede,
- a ako nakon regularnog toka utakmica završi neriješeno, igraju se produžetci shodno članu 24 do dobijanja pobjednika.

Klubovi koji su izborili plasman u četvrt - finale igraju dvije utakmice (jednom domaćin, a drugi put gost).

Klub se plasira za dalje takmičenje ako:

- pobijedi u oba susreta;
- pobijedi jednu utakmicu, a drugu odigra neriješeno;
- a ako oba kluba imaju isti broj pobjeda, tada je pobjednik je onaj klub koji je postigao više golova u gostima;
 - ako je i to isto, igraju se produžetci shodno članu 24. Produžetci se igraju na terenu kluba koji je u drugoj utakmici domaćin;
- u slučaju da obje utakmice završe neriješeno dalje takmičenje nastavlja klub koji je postigao više golova u gostima,
 - ako su oba kluba postigla isti broj golova, a onda se igraju produžetci shodno članu 24. Produžetci se igraju na terenu kluba koji je u drugoj utakmici domaćin.

Član 24.

Ako se utakmica završi u regularnom toku neriješenim rezultatom, nakon pauze od 5 minuta, igra se prvi produžetak u trajanju od 2 x 5 minuta, sa promjenom strana bez odmora.

Ako se i nakon prvog produžetka ne dobije pobjednik nakon pauze od 5 minuta igra se drugi produžetak 2 x 5 minuta bez odmora, sa promjenom strana.

Ako se i nakon drugog produžetka ne dobije pobjednik izvode se sedmerci.

- Prije nego se počnu izvoditi sedmerci svaki klub će imenovati po 5 (pet) igrača - ica, koji su po završenoj utakmici ,odnosno nakon produžetaka, imali pravo nastupa, na, način da sudijama uruče spisak i brojeve igrača. Svaki od ovih igrača-ica treba da izvede po jedan sedmerac mijenjajući se sa protivničkim klubom. Klubovima je ostavljeno na volju da odrede redosljed izvođenja sedmeraca.
- Vratari se mogu slobodno birati iz spiska igrača-ica i mijenjati u skladu sa Pravilima igre (zamjena dresa i slično). Vratari također mogu izvoditi sedmerce, ali i igrači-ice za izvođenje sedmeraca mogu igrati kao vratari (braniti).
- Sudije biraju stranu i vrata na kojem će se izvoditi sedmerci. Klub koji dobije žrijeb, može birati da li da prvi izvodi sedmerac ili da to prepusti drugom klubu.
- Nakon prvog kruga izvođenja sedmeraca pobjednik je klub koji je postigao više zgoditaka. U slučaju neriješenog rezultata nakon prvog kruga izvođenja sedmeraca, nastavlja se izvođenje sedmaraca sve dok se ne dobije pobjednik. U

drugom krugu prvi sedmerac izvodi drugi klub bez žrijebanja. Ponovo se imenuje po pet igrača-ica iz svake ekipe za izvođenje sedmeraca. Igrači-ce imenovani u prvom krugu mogu se ponovo imenovati.

- Nakon drugog kruga izvođenja sedmeraca, pobjednik je klub koji u drugom krugu postigne više zgoditaka. Ako se i nakon drugog kruga izvođenja sedmeraca ne dobije pobjednik, izvođenje sedmeraca se nastavlja naizmjenično izvođenjem po jednog sedmerca do konačnog pobjednika. Imanovani igrači-ce drugog kruga mogu se mijenjati.
- igrači -ce i vratari sa pravom nastupa za izvođenje sedmeraca su igrači-ice uneseni u zapisnik, a koji nisu bili diskvalificirani, isključeni do kraja igre ili isključeni na 2 minuta u vrijeme drugog produžetka u trenutku označavanja završnog signala za kraj.
- Ako u službenom zapisniku jedan ili oba kluba imaju manje upisanih igrača-ica od 14 (četrnaest), klubovi se mogu dopunjavati sve dotle dok traje vrijeme trajanja igre do okončanja i drugog produžetka utakmice. Prilikom izvođenja sedmeraca niti jedan klub se ne može dopunjavati sa igračima-cama u zvanični zapisnik utakmice.
- Ozbiljnije prekršaje koji se dogode u vrijeme izvođenja sedmeraca, treba kazniti diskvalifikacijom. Ako je igrač diskvalificiran ili povrijeđen pa ne može izvesti sedmerac, dozvoljena je zamjena toga igrača - ice.
- Dok se izvode sedmerci samo igrač-ica koji izvodi sedmerac, odgovarajući vratar i sudije mogu biti na toj polovini igrališta.
- Ako broj igrača-ica koji imaju pravo igre za vrijeme izvođenja sedmeraca (ili ranije) spadne ispod pet, može se imenovati igrač-ica koji će izvesti drugi sedmerac u istom krugu izvođenja.

Član 25.

Finalni turniri u muškoj i ženskoj konkurenciji po četiri kluba se igraju DVA dana. Finalni turnir izravno vodi TK.

Prvog dana turnira igraju se polu - finalne utakmice (dvije), a izvlačenje parova vrši se prije početka turnira. Pobjednici polu - finalnih utakmica nastavljaju takmičenje u finalu. Ekipe koje izgube, ne nastavljaju takmičenje.

U slučaju da se utakmica ili utakmice polu - finala završe neriješenim rezultatom igraju se produžetci u skladu sa **članom 24.** ovih Pravila. Ovo važi i za finalnu utakmicu.

IX. TROŠKOVI TAKMIČENJA

Član 26.

Klubovi učesnici KUP-a snose svoje troškove kao domaćini organizacije utakmice, a kao gosti troškove putovanja.

Finalni turnir KUP - a se organizuje na osnovu konkursa - natječaja koje će propisati kancelarija RS BiH, a Izvršni odbor će donijeti konačnu Odluku o mjestu odigravanja utakmice, te uvjete pod kojim se igraju utakmice.

Član 27.

Svi klubovi za učešće u KUP takmičenju, a plasirali su se u četvrt finale uplaćuju jedinstvenu taksu u iznosu od **200,00 KM**. sa naznakom **TAKSA KUP - a 2008 / 2009.**

Član 28.

Troškovi službenih osoba obračunavaju se prema troškovniku, a odnose se na slijedeće:

- Sudijska taksa po utakmici za jednog **100,00 KM**,
- službeno lice - delegat **100,00 KM**,
- zapisničar i mjerilac vremena zajedno **40,00 KM**,
- Prevoz se obračunava **0,45 KM** po kilometru, na osnovu daljinada Premijer lige,
- dnevnice za službeno putovanje su regulisane prema Sl. listu BiH i iznosi **50,00 KM** i splaćuje se prema troškovniku koji je sastavni dio Propozicija za Premijer ligu (zavisno od mjesta stanovanja), izuzev ako su službene osobe angažirane dva dana (finalni turnir) u kojem slučaju će im se isplatiti jedna dnevnicu u punom iznosu.

X. SLUŽBENE OSOBE

Član 29.

Službene osobe na utakmicama KUP - a Bosne i Hercegovine su sudije, delegati, mjerilac vremena i zapisničar.

Određivanje službenih osoba (sudija i delegata) za sve utakmice KUP-a BiH vrši se žrijebanjem po Pravilniku o žrijebanju koji je usvojio IO RS BiH.

XI. NAGRADE

Član 30.

Pobjednik finalnog susretu u muškoj i ženskoj konkurenciji je osvajač KUP - a Bosne i Hercegovine i dobiJa:

- prelazni pehar i pehar u trajno vlasništvo RS BiH;
- medalje PRVAK - ZLATNE, a poražena ekipe SREBRENE medalje.
- pobjednici KUP takmičenja u muškoj i ženskoj konkurenciji izborili su eventualno učešće u KUP - u EVROPSKIH pobjednika KUP - ova. Pravo i način izbora učešća utvrdiće IO RS BiH u dogovoru sa EHF - om.

XII. KAZNENE ODREDBE

Član 31.

Kaznene odredbe regulirane su ovim Pravilima i Disciplinskim pravilnikom RS BiH. Kazne izrečene na osnovu ovih Pravila prenose se i za sva ostala takmičenja (Premijer i Prve lige) i obrnuto, kazne iz Premijer i Prve lige prenose se i za KUP takmičenje.

Član 32.

Svaki klub, koji pristupi takmičenju, a potom se povuče iz takmičenja, gubi pravo na svoju već uplaćenu taksu, a kažnjava se prema sljedećem:

POVLAČENJA	
Odmah nakon žrijeba	500,00 KM
10 dana prije utakmice	600,00 KM
9 dana prije utakmice	700,00 KM
8 dana prije utakmice	800,00 KM
7 dana prije utakmice	900,00 KM
6 dana prije utakmice	1.000,00 KM
5 dana prije utakmice	1.100,00 KM
4 dana prije utakmice	1.200,00 KM
3 dana prije utakmice	1.300,00 KM
2 dana prije utakmice	1.400,00 KM
1 dana prije utakmice	1.500,00 KM

Odustajanje od već organiziranih utakmica kaznit će se još i novčanom kaznom u iznosu do 2.000,00 KM što će cijeliti IO RS BiH na osnovu gubitka koje su nastali kod organizatora utakmice.

Ako klubovi odustanu iz KUP-a, a svoje učešće su prijavili, u ligaškom takmičenju bit će im oduzet 1 (JEDAN) bod od ukupno osvojenog broja bodova.

XIII. ŽALBE

Član 33.

Provođenje žalbenog postupka regulisan je ovim Pravilima KUP - takmičenju.

Član 34.

TK ima pravo i obavezu poništiti utakmicu i na koju nije uložena žalba, ako se dogodilo nešto što je u očitoj suprotnosti s Pravilima igre, propisnicima RS BiH i ovim Pravilima, a od odlučujućeg je značaja za konačni ishod utakmice.

Član 35.

Žalba radi igrališta, sprava i uređaja, čiji su nedostaci vidljivi prije utakmice, mora se najaviti delegatu prije početka utakmice.

Žalba radi igrališta, sprava i uređaja, najavljena nakon utakmice, neće se razmatrati.

Član 36.

U roku od četrdeset osam (48) sati, računajući od sata završetka utakmice, Klub koji je uložio žalbu, mora poštom otpremiti originalni primjerak žalbe sa svim bitnim elementima.

Klub koji podnosi žalbu, je obavezan na račun RS BiH, uplatiti taksu u iznosu od 300,00 KM.

Član 37.

TK mora u roku od petnaest (15) dana, računajući od datuma prijema žalbe, donijeti odluku o žalbi u prvom stepenu.

Žalba na utakmicu finalnog turnira mora se riješiti istog dana.

Član 38.

Na odluku Takmičarske komisije nezadovoljna strana ima pravo podnijeti žalbu drugostepenom organu, (IO RS BiH) i to u roku od osam (8) dana, računajući od datuma prijema prvostepene odluke.

Nezadovoljna strana iz stava 1. ovog člana, koja podnosi žalbu, je obavezna na žiro račun RS BiH, uplatiti taksu iznosu od 300,00 KM.

Član 39.

Na odluku drugostepenog organa može se uložiti zahtjev za zaštitu zakonitosti.

Zahtjev za zaštitu zakonitosti iz stava 1. ovog člana podnosi se Predsjedništvu RS BiH u roku od osam (8) dana, računajući od datuma prijema drugostepene odluke.

Član 40.

Žalba na prvostepenu odluku doprema se drugostepenom organu posredstvom Takmičarske komisije.

Zahtjev za zaštitu zakonitosti doprema se posredstvom IO RS BiH.

XIV. PRIVREMENI I TRAJNI PREKID UTAKMICE

Član 41.

Utakmica se može privremeno i trajno prekinuti. O prekidu odlučuju suci.

Član 42.

Utakmica se može prekinuti privremeno ili trajno. O prekidu utakmice odlučuju suci, ako su iscrpljene sve prethodne mogućnosti, da bi se utakmica privela kraju.

Utakmica se prekida privremeno radi:

- velike hladnoće ili nesnosne vrućine ili ako se igralište u toku utakmice onesposobi za igru toliko da onemogući nadzor nad loptom;
- rasvjete koja ne zadovoljava propisane uvjete;
- neuljudnog vladanja gledalaca i nakon upozorenja od strane delegata;
- bacanja predmeta u igralište, na suce, službene osobe ili igrače-ice;
- fizičkog napada na učesnike utakmice;
- fizičkog obračuna između pripadnika jednog i drugog Kluba,
- nereda na igralištu, ometanja igre od gledalaca ili uopće radi slabo priređene utakmice;
- drugih razloga koji su predviđeni Pravilima igre.

Kada se utakmica privremeno prekine, prekid traje dok se ne stvore zadovoljavajući uvjeti za nastavak igre.

Utakmica se prekida trajno:

- radi fizičkog napada na učesnike utakmice s težim posljedicama i fizičkog napada na službene osobe;
- kad su narušena Pravila igre i uslovi igranja utakmice toliko, da suci, unatoč poduzetim mjerama, ne mogu utakmicu privesti završetku.

Prije odluke o trajnom prekidu, delegat i suci moraju tražiti od Kluba domaćina utakmice:

- da otkloni nedostatke u priređivanju utakmice, ako je prekid nastao radi slabo priređene utakmice,

- da uvede red u gledalištu i
- da isprazni gledalište ili djelomično udalji gledatelje.

Ako se ni tada ne osigura red na igralištu, suci će utakmicu trajno prekinuti.

Član 43.

Ako se igra ponovljena ili nastavlja privremeno prekinuta utakmica, troškove snosi Klub koji je prouzročio prekid utakmice.

Ako je utakmica prekinuta radi vremenske nepogode ili više sile, tada svaki Klub snosi svoje troškove.

XV. ODGODA UTAKMICE

Član 44.

Ako jedam klub daje najmanje jednog-u igrača-icu za reprezentaciju Bosne i Hercegovine, može zatražiti odgodu utakmice.

Ako jedan klub nastupa u jednom od EHF kupova, može zatražiti odgodu utakmice.

Zahtjev za odgodu utakmice podnosi se TK u pisanom obliku, i to najkasnije u roku od deset (10) dana, računajući od datuma odigravanja utakmice. U zahtjevu se navode razlozi radi kojih se zahtjeva odgoda utakmice.

Član 45.

Kup utakmica se može odgoditi i uslijed epidemije. Za odgodu ovakvih utakmica potrebno je pribaviti pimeni dokaz isključivo od nadležnog zdravstvenog organa i dostaviti TK što hitnije, ali ne u kraćem roku od 24 (dnadesetčetiri) sata prije početka već zakazane utakmice.

XVI. TV, RADIO, FILMSKA, VIDEO I REKLAMNA PRAVA

Član 46.

RS BiH na utakmicama za KUP Bosne i Hercegovine ima pravo da bez naknade postavi reklame dužine ne veće od 5 metara u prostoru ispred ili oko zapisničkog stola.

O postavljanju reklamnog panoa RS BiH će najmanje 5 (pet) dana prije održavanja susreta, obavijestiti domaćina, u protivnom smatrat će se da je RS odustao od reklamiranja.

Član 47.

RS BiH može ustupiti organizaciju finalnih susreta drugim organizatorima. Ugovorom će se regulirati odnos.

XVII. ZAVRŠNE ODREDBE

Član 48.

Za sve što nije predviđeno ovim Pravilima primjenit će se:

- Disciplinski pravilnik,
- Pravilnik o registraciji igrača i
- Pravila vezana za organizaciju takmičenja.
- i drugi propisnici u vezi takmičenja.

KOMESAR TAKMIČENJA

A handwritten signature in black ink, appearing to read 'Halil Škaljić', written over a faint, illegible background.

Halil Škaljić